

trecentorum Monachorum præsentia disputat. Hinc orta Religionum divortia, & Papatus magno ictu percussus est. 68. Ex hac vita discessit Maximilianus I. Imperator, Electorumque consensu & electione locum ejus occupavit nepos Carolus V. Hispaniæ Rex. 73. Ex vivis excesserunt Nicolaus Leonicus Ferrariæ 7. Junii, Thomas Linæcer doctissimi de lingua Latina tractatus author. 20. Octobris, Petrus Mosellanus. 31. ætatis annum agens Lipsiæ 19. Aprilis & alii. 80. Johannes Stoflerus Justingensis insignis Mathematicus, & in Academia Tubingensi Professor, Anno Mundi 5401. & Anno Christi 1452. natus 10. Decembris horâ 6. à meridie, certo die sibi vitæ periculum ruinâ imminere præviderat, & quia ædes suas satis firmas noverat, convocat in Musæum suum viros eruditos, quorum consuetudine & sermone recrearetur. Ortâ inter sobria pocula disputatione, ad controversiam explicandam è superiore loco librum deprompsit; sed luxato clavo, asser, in quolibet stabant, in caput ejus decedit, & insignis vulnus infelici seni infixit, ex quo die 16. Februarii mortuus est Anno Christi 1531. Die 5. Januarii anno 83. Johannes Aventinus historicus celebris decessit. 84. Thomas Morus Angliæ Cancellarius, omnis generis doctrinâ vir politissimus ob divortium regis improbatum 2. Julii capite plectitur. Sequenti anno Erasmus Rotodamus septuagenarius 18. Julii Basileæ ex hac vitâ migrat. 87. Schola Argentinenfis fundatur à Jacobo Sturmio Senatore, Juventutisque instituendæ ratio præscribitur à Johanne Sturmio. 89. Iosephus Justus Scaliger magni illius de temporum emendatione operis author 5. Augusti Aginni Nitiobrigum nascitur, Lugduni Batavorum 20. Januarii Anno Christi 1609. denatus, cum annum ætatis sexagesimum octavum ageret. Eodem octogesimo nono Parisiis expirat Wilhelmus Budens vir literatissimus, & præcedente anno Marpurgi Eobanus Hessus Poeta celebris. Anno nonagesimo, qui est annus Christi 1541. moriuntur Philippus Theophrastus Paracelsus Spagyricæ Medicinæ author celeberrimus, Urbanus Regius, Wolfgangus Capito, Simon Gryneus, & alii Reipublicæ literariæ cives doctissimi. 92. Tres Scholæ Illustres apertæ in Misnia à Mauritio Saxoniarum Duce, una Misniæ, altera Portæ ad Salam, & tertia Meriburgi, inde tamen postea hæc postrema Grimmam translata. Fundatum quoque Stetini Gymnasium, & celebre aliud Tremoniæ. Sequenti anno orta, & 7. Augusti introducta Academia Regionmontana, conditore Alberto Prussiarum Duce. 95. qui fuit Annus Christi 1546. Lutherus Illebiæ 18. Februarii finem vitæ imposuit. Eodem anno Knudtorpi in feudo avito, quod ultra Maris Baltici oram in Scania situm, Helsingburgo haud procul distat, ex nobilissima Braheorum familia 13. Decembris in lucem prodit Tycho Brahe, nobilissimus & celeberrimus Astronomus, patre Ottone Brahe, & matre Beatâ Billeâ ortus. Vir omni doctrinarum genere politissimus indefessio suo studio, & indefinentibus observationibus astrorum, maximam Astronomicæ

Johannes Stoflerus.

Schola Argentinenfis.

Tres Scholæ Illustres in Misnia.

Academia Regionmontana.

Tycho Brahe.

arti lucem attulit, & Antiquorum Systema Cœlestis in longè meliorem ordinem digessit. Absolutis Hafniæ studiis anno 1562. Lipsiam cum Poedagogo missus, familiaritatem contraxit cum Bartholomæo Sculteto adolescente, sub Johanne Homelio in Academia Mathematicis Professore, in Mathesios studio se exercente. Post triennium in patriam reversus, aulamque & aulicos Mathematicum contemptores pertæsus, patriâ denud relicta, anno 66. Wittebergam, indeque ob pestem ingruentem Rostochium concessit. Wittebergam rediens Germaniam perlustrare statuit, ac anno 1569. itineri se accingens Lauringæ in Sueviæ finibus convenit Gyprianum Leovicium virum Astrologicis studiis deditissimum. Augustæ Vindelicorum cum Baptista & Paulo Hamzelis, illo Septemviro, & hoc consule, viris Astronomiam magni facientibus, admodum familiariter vixit, ac cum Petro Ramo Heidelbergæ & Norimbergæ illuc adventante, & ab Hieronymo Wolfio Gymnasiarcha viro literatissimo ad se adducto, anno 70. collocutus est. Augustâ relicta Ingolstadtii cum Philippo Appiano Petri Appiani, insignis illius Mathematici, filio, varios sermones de Astronomia habuit, reliquaque Germania superiore perlustrata patrios lares repetiit, & anno 71. Hafniam rediit. Herritzvadii, quod cœnobium antehac Monachorum, Steeno Billeus Tychois avunculus feudum à rege obtinuerat, in ædibus ab Avunculo concessis, Tycho & Mathematicis studiis incubuit, & Chymicis operationibus se dedit, una eademque opera & Cœlestes & Terrestris Planetas pervestigans, usque ad annum 74. quo Regis rogatu Hafniæ in Academia Theoriam Planetarum publicè prælegit. Deceverat autem denud in Germaniam iter facere, & postea Italiam perlustrare, eaque de causa anno 75. iter propositum ingressus est, domi relicta filia, & uxore, quam plebeiam, & in ipso pago Knudtorpio natam duxerat, ideò variis cognatorum simultatibus & odiis exagitatus, quæ agrè tandem, ipso Rege intercedente composita sunt. Sub Aprilis initium Castellis humanissimè exceptus est à laudatissimo illo Principe Wilhelmo Hassiæ Landtgravio, qui Anno Christi 1533. natus, & anno 1567. Patri Philippo mortuo succedens, ac Principatum adeptus, maximâ eruditionis celebritate floruit, & jure heroibus illis summis accensendus est, quibus Astronomia plurimum debet. Tanti Principis anno 1592. vita functi Mathematicus tunc temporis fuit Christophorus Rothmannus Bernburgensis vir in Mathematicis veratissimus, qui haud exiguo Astronomicis studiis adjumento fuit. Castellis Tycho Francofurtum ad Mœnum excurrit, cum Nundinæ ibidem celebrarentur, ac reliquis in itinere civitatibus Germaniæ perlustratis Basileæ Rauracorum aliquamdiu commoratur; Unde per Helvetiam Venetias petit, ibique aliquot diebus peractis Germaniam repetit. Augustæ Vindelicorum amicos salutat, sibi que Comitum adjungit Tobiam Gemperlinum & virum literatum, & pi-

Bartholomæus Scultetus. Johannes Homelius.

Cyprianus Leovicus.

Petrus & Philippus Appianus.

Wilhelmus Hassiæ Landtgravius.

Christophorus Rothmannus.

& pictorem eximium, qui postea peste in Dania grassante obiit. Ratibonæ Rudolphi I. qui Romanorum Rex creatus erat, coronationem videret, amicitiaque cum Thaddei Hagecio Bohemo Aulæ Imperialis Medico contracta ab ipso accipit Dialexin de nova Stella, quam ipse Hagecius conscripserat, & alium ejusdem argumenti libellum, quem Hieronymus Monsius Hispanus Mathematicus Valentinus ediderat. Salsfeldiæ Erasmus Reinboldum juniorem, & Wittebergæ Wolfgangum Sculerum offendit in Daniam redux cum sede sua Basileam Rauracorum transferendâ occupatus esset, anno 76. regis literis Hafniam evocatus insulâ Huenâ inter Scaniam & Selandiam sitâ à Serenissimo Rege Frederico II. donatur, in quâ arcem magnificam extruit, & cuncta parat, quæ sibi tam ad Astronomicas, quàm Pyronomicas operationes necessaria arbitratur; Horum omnium descriptione prolixiore hic supersedemus, & Lectorem remittimus ad doctissimi Viri Petri Cassendi descriptionem, cujus Epitomen brevissimam hic exhibemus. An. 80. ad Tychonem venit Paulus Wittichius Uratislaviensis Mathematicus, ac post trium mensium commorationem abiit, & Castellis transiens, ut sua, Landtgravio communicavit quæ à Tychoe acceperat. Anno 88. Tycho Mœcenatem suum amisit, Regem Fredericum II. qui sub initium Aprilis mensis vitâ functus successorem habuit filium Christianum IV. Sequenti anno ad Tychonem accessit Christianus Longomontanus ab obscura Cymbriæ parœcia nomen sortitus, & ante viginti septem annos Patre Severino, & Matre Marinâ parentibus agricolis natus, qui partim in Schola, partim in agro exercitus, modòque apud parentes, modò apud amitam, modò apud patrum educatus, anno ætatis decimo quinto se clam subduxit, & in Scholam Vigurgensem à patriâ duodecim milliariis distantem se recepit. Hic postquam propriâ industriâ victum quaritans literis singulari studio per undecim annos incubisset, & sub Matthiâ Hunsio in Mathematicis egregios progressus fecisset, Hafniam petiit, ubi singularem suam industriam Professoribus adeò probavit, ut Tycho ab illis maximopere commendaretur, cui toto octennio, quo ipsi in Insulâ Huenna adfuit, tanto labore, tantâ industriâ & tantâ fidelitate interfuit, ut semper maximi ab eo fieret. Post Tychois ex Dania excessum anno 1598. ad eum in Bohemiam venit, atque anno 1600. literis commendatitiis acceptis, ab eo discedens in patriam rediit, in quâ postea Mathesios professione in Academia Hafnienti ornatus est, & annis plenus anno 1647. ex hac vita migravit. Anno 1590. Jacobus Scottiæ Rex mense Martio in Daniam venit, ac cum Anna Regis Christiani IV. Sorore nuptias celebravit. Dignatus autem est Tychonem invitere, partim cum eo familiares sermones miscens, partim summa cum admiratione ejusdem Organa & instrumenta contemplans. In Augusto Huennam improvvisus adventat Chri-

Thaddeus Hagecius.

Erasmus Reinboldus. Wolfgangus Sculerus.

Paulus Wittichius.

Christianus Longomontanus.

stophorus Rothmannus Landtgravii Wilhelmi Mathematicus adventu suo Tychonem summâ lætitiâ afficiens, qui mense Octobri rursus discessit. Anno 96. Ofores Tychois calumniando tandem effecerunt, ut plurimi reditus ipsi subtraherentur, & ipse ideò tantis sumptibus, ut antea, ferendis non par esset. Eâ de causa plerâque suppellectile navi onerariæ impositâ, eam cum uxore, duobus filiis, & quatuor filiabus, reliquoque famulitio ingressus Rostochium vela dedit, eoque mediâ ferè ætate anni 97. appulit: Peste verò grassante Wandenburgum in Holatiam ad Henricum Ranzovium excurrit, ubi anno 98. invistur à Johanne Mollero Mathematico Brandeburgensi viro & Mathesios, & Mathematicorum organorum admodum perito, ut & à Davide Fabricio Friso, quem insignis cum videndi cupiditas ad hoc iter suscipiendum impulerat. Anno 98. à Rudolpho Imperatore Pragæ vocatus, Wandenburgi uxorem & filias cum potissima suppellectilis parte reliquit, & assumpto apparatu Astronomico cum filiis Wittebergam perrexit, ubi ob pestem in Bohemiâ grassantem subsistere coactus est. Anno 99. Pragæ in Bohemiam veniens in arcis Benaticæ possessionem immittitur, uxoremque & filias cum reliquâ suppellectile eò traducendas curat, unde tamen sequente anno in ipsam urbem Pragæ remeavit. 24. Mensis Octobris Anni 1601. ex hac miseriarum valle discessit, postquam indefessis suis laboribus Astronomicam scientiam maximè promovisset, & quinquaginta quatuor annos, ac decem menses vivendo complevisset, vir ob incredibiles ingenii dotes longiore vitâ dignissimus, cujus vitam ex doctissimi Cassendi narratione contractam in compendium hic ut proponeremus, operæpretium duximus; à quâ ad intermissam annorum seriem nobis revertendum est. Anno M. 5497. & A. C. 1547. Justus Lipsius scriptis suis doctissimis notissimus vir 18. Octobris, D. Luca festo sacro in Ilcano Brabantiarum oppido in lucem editur, quem A. C. 1606. Reipublicæ Literariæ mors eripuit. Lucas Cranach pictor celeberrimus, & Senator Wittebergensis ab Imperatore Carolo V. in castra evocatus, & aliquid petere jussus, pro suo Principe captivo apud eum intercessit. Johannes Schonerus Norimbergæ Mathesios Professor celebris hoc ipso anno die 17. Januarii mortales exuvias deposuit, postquam septuaginta annos exactè complevisset. Dies enim ipsius natalis ad 17. Januarii diem anni à C. N. 1477. refertur. 98. Martinus Bucerus, Paulus Fagius Argentorato in Angliam discedunt, & Petrus Martyr, qui postmodum in Angliâ defunctus est, mense Majo ibidem de Cœnâ Domini disputat. Matthias Francovitz gente Illyricus, patriâ Albonensis, cognomento Flacius Wittebergæ confert se Magdeburgum, & cum Nicolao Gallo scribit contra Melanthonem de Adiaphoribus. Academiæ Jenensis fundamenta locantur, ut & sequente

(gg) 2